

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

Was aber mehr von Assa zu sagen ist / vnd alle seine macht vnd alles was er gethan hat / vnd die Städte die er gebawet hat / Sihe / das ist geschriben in der Chronica der Könige Juda / On das er in seinem Alter an seinen füßsen krank war. Vnd Assa entschlieff mit seinen Vetern / vnd ward begraben mit seinen Vetern in der stad Dauid seines Vaters / Vnd Josaphat sein son ward König an seine stat.

Nadab. II.
jar König in Is-
rael.

Nadab aber der son Jerobeam ward König vber Israel im andern jar Assa des Königs Juda / vnd regiert vber Israel zwey jar. Vnd thet das dem HERRN vbel gefiel / vnd wandelt in dem wege seines Vaters vnd in seiner sünde / da mit er Israel hatte sündigen gemacht.

Zerobeams
haus angerottet
durch Baesa.

Aber Baesa der son Ahia aus dem hause Isaschar macht einen Bund wider in / vnd schlug in zu Gibethon / welche war der Philister / Denn Nadab vnd das ganze Israel belagerten Gibethon. Also tödtet in Baesa im dritten jar Zerobeams vnd Assa des Königs Juda / vnd ward König an seine stat. Als er nu König ward / schlug er das ganze haus Jerobeam / vnd lies nicht vber etwas das den odem hatte von Jerobeam / bis er in vertilget / Nach dem wort des HERRN / das er geredt hatte durch seinen knecht Ahia von Silo. Vmb der sünde willen Jerobeam die er thet / vnd da mit Israel sündigen macht / mit dem reizen / da mit erden HERRN den Gott Israel erzürnet.

Was aber mehr von Nadab zu sagen ist / vnd alles was er gethan hat / Sihe / das ist geschriben in der Chronica der Könige Israel. Vnd es war krieg zwischen Assa vnd Baesa dem Könige Israel jr leben lang.

Baesa
24. jar König in
Israel.

In dritten jar Assa des Königs Juda / ward Baesa der son Ahia König vber das ganze Israel zu Thirza / vier vnd zwenzig jar / Vnd thet das dem HERRN vbel gefiel / vnd wandelt in dem wege Jerobeams vnd in seiner sünde da mit er Israel hatte sündigen gemacht.

Jehu
weissaget / wider
Baesa.

Es kam aber das wort des HERRN zu Jehu dem son Hanani wider Baesa / vnd sprach / Darumb / das ich dich aus dem staub erhaben habe / vnd zum Fürsten gemacht vber mein volck Israel / Vnd du wandelst in dem wege Jerobeams / vnd machest mein volck Israel sündigen / das du mich erzürnest durch ire sünde / Sihe / so wil ich die nachkomen Baesa / vnd die Nachkomen seines hauses wegnemen / vnd wil dein haus setzen / wie das haus Jerobeams des sons hat. Wer von Baesa stirbt in der Stad / den sollen die Hunde fressen / vnd wer von im stirbt auff dem felde / den sollen die Vogel des Himmels fressen.

Was aber mehr von Baesa zu sagen ist / vnd was er gethan hat / vnd seine macht / Sihe / das ist geschriben in der Chronica der Könige Israel. Vnd Baesa entschlieff mit seinen Vetern / vnd ward begraben zu Thirza / vnd sein son Ella ward König an seine stat. Auch das wort des HERRN kam durch den Propheten Jehu / den son Hanani / vber Baesa vnd vber sein Haus / vnd wider alles vbel das er thet fur dem HERRN / in zu erzürnen durch die werck seiner hende / das es würde wie das haus Jerobeams / vnd darumb / das er diesen erschlagen hatte.

XVI.

Ella. II. jar
König in Israel.



In sechs vnd zwenzigsten jar Assa des Königs Juda / ward Ella der son Baesa König vber Israel zu Thirza zwey jar. Aber sein knecht Simri der oberst vber die helfft der Wagen / macht einen Bund wider in / Er aber war zu Tirza / tranck vnd war truncken im hause Arza des Vogts zu Thirza. Vnd Simri kam hin ein vnd schlug in tod / im sieben vnd zwenzigsten jar Assa des Königs Juda / vnd ward König an seine stat.

Und da er König war / vnd auff seinem Stuel sass / schlug er das ganze haus Baesa